

靜

嘯

齋

存

草

靜嘯齋存草

卷之十二

偈頌附

報國寺斷千僧至西方詠計八十九章

嘯齋存艸卷十二 偈頌

董斯張遐周甫著

西吳

韓曾駒人穀甫訂

報國寺斷手僧贈之以偈

欲闢琳宮轉法輪
霜刀解腕供金神
神光榜樣分明在
我輩今朝一婦人

哭雲棲大師偈

出家五十有餘年
七尺繩床坐欲穿
今日問師何處去
山僧懶到寺門前

其二

純陀供後入龕時萬五千人淚不支天樂妙華祇這
是人間爭覓沈蓮池

火蓮偈五章應韓延年

從他豆網與冬瓜月在天心不可遮夜半鐘聲君未
信試來紙店買荷花

其二

七尺分明不染身積灰高處沒纖塵從今撒手無此
事水裏蓮花未是真

其三

一盆熱火在清流隔岸柴門鬼點油
個裏芙蓉長自丈清君扶上健人頭

其四

靈壑會上眼巴巴越水果山自一家
十萬骷髏開口笑登時拈却世尊花

其五

石虎嘯紅霞于今未足誇纖纖出素手
打鼓弄琵琶

淨土頌

靜齋齋存草

卷之二

雲從龍風從虎生於吳長於楚這客官好主顧急裝
貨莫蹉路藉首十方正徧知春風三月花無數

其二

此處錢財難近夢入漁陽古郢一簾碧水青山也靠
祖宗福蔭一篙撐開大船糴糴糴食經年走遍南直
北直不離床上安眠

偶成六偈

斜日巡檐下鸚哥語亦奇半爐灰未冷不是放參時

其二

兀兀昏昏後懷人夢也靈黃鷄啼不及開眼一天星

其三

須彌搖大海湧仔細看來真古董買他也復不爭多
一索青蚨沒方孔

其四

阿翁要去噎酒老媽拖他一下明年醉了一場直到
如今不怕

其五

海船飄到西洋國愁斷啼鵲枝下客至今何事不還

鄉董六元來屋裏賊

其六

簇新荷葉小缸鋪片片如錢漾露珠四十三年霜降
後青娥採盡不曾枯

慰元常侄悼亡偈

下壺盛酒剛無底醉臥西廳羅漢椅三更脚後人
奇竹夫人罵湯婆子

雨中偶成一偈

寂寂青林白雨來虛空點破亦奇哉閑雲忽散歸何

處明眼人前笑一迴

觀戲偈

笑得隣翁淚滿衣
閑人專會說閑非
畫堂燭盡東君睡
你是什么人我是誰

贈雪嶠禪師八偈

懸崖峭壁那能近
似雪龍泉行祖令
授記然燈誰個知
飲光一笑分明證

其二

破帽盛齋半隻鞋
盲風暗雨踏將來
縱然不遇拏雲客

手劍氣衝霄肯便埋

其三

七佛導前淨名後那吒弄杵天王走秦望山頭現
光錢塘江北金毛吼

其四

三竺迢迢途徑絕眉毛出淚山流血驀然夾草嚼些
些須彌倒陷黃河裂

其五

喝遍虚空碎作塵一條鐵骨拄乾坤生平種種風流

事莫負張三李四恩

其六

香爐折脚飯羅冰
賓主今朝判未曾
惟得成顛元不
惡雲棲一網跳盧能

其七

百鳥啼園萬山寂
野花爛熳何人摘
雙髻峰前放脚
眠陳搏恰是真知識

其八

未聞話前話更奇
安身立命阿誰知
從他傀儡千般

弄不脫山僧幾寸絲

放生池頌

人情何似水長世味那知魚樂村村柳黛花痕處處
香臺寶閣

贈石彪禪者

霜冷春梁橫古路金獅覲而何曾懼漫勞灞上李將
軍斷弓折箭無尋處

贈樵野禪者

一根匾擔自家肩摘葉尋枝沒半錢大地從來無寸

土問君何處斫秋烟

庚申元日作二偈

普天鬧鼓小兒嬉居士空齋面壁時
問汝作麼消白晝一枰黑白未分碁

其二

社舞村歌在處新人人貪富不貪貧
忽然檢得前年曆別起雙眉問主人

百空拄杖贊

月在擔霞在肩憑隻手戲大千
若遇芭蕉老漢更須

與你拄杖子始得春風踏破碧琉璃九九山來八十

一

張非仲示余淨土詠乃瑪瑙寺主目觀筆非仲
要余和之得二十章

一林秋樹抹殘紅古佛當陽拍向儂狹路逢君無處
避幾番露柱撞燈籠

其二

隨緣任運只騰騰擎出西方一盞燈大地衆生雙眼
在却灰空復問胡僧

其三

長房縮地尋常事
淨國莊嚴好去來
看取當年傅居士
千門萬戶一槌開

其四

團蒲孤坐篆煙高
親見慈尊白玉毫
任是丹霞燒不得
無煩院主惜眉毛

其五

蓮花世界小兒拳
念得殷勤抱佛眠
一句了然君記取
染香人是好因緣

其六

佛成十劫西天住消息如何向汝通試看今年四月
八伽耶香水浴兒童

其七

耕田鑿井帝何力挫銳解紛兒未孩個是往生真種
子蘇卿曾上望鄉臺

其八

撥得塵時見佛身此中誰主又誰賓百川納海都鹹
味口裏喃喃是甚人

其九

覲面呈機問若何買來古鏡斬新磨彌陀爲汝初拈
出這個真誠不是他

其十

處處香燈夜夜油彌陀携手御街遊青山只在南突
裏何事王孫不上樓

其十一

東寺西寺風旛動前溪後溪齒蒼生會得聲前一句
子蓮邦十萬沒多程

其十二

掘地尋天痛可嗟
六時皈命佛陀耶
百年寶藏誰收得
窮子歸來莫眼花

其十三

佛字從來不喜聞
念來念去絕功勳
一朝衝出漫天網
始信龍生鳳不羣

其十四

火宅蓮花妙相嚴
釋迦盡力不能拈
驀然落在凡夫手
六字真經水裏鹽

其十五

鳥能說法衆生疑祇是聞根一向迷昨日偶經山下
路杜鵑唱道不如歸

其十六

修成定力鼎能扛骨節玲瓏透八竅化佛慈悲垂手
庭筭開一口吸西江

其十七

青蓮只向自心栽念力周圍結聖胎觀取慈容花滿
被分明持劍遍如來

其十八

覓心覓佛盡模糊無念之時亦半途不許夜行明便
到眼前煙柳卽皇都

其十九

晝夜參求不二門六方諸佛鶻崙吞蒺藜嚼碎毫光
見雪刃揮空月一痕

其二十

佛面堂堂不可瞞曉來香散藕花潭金剛臺上新公
案一軸彌陀在海南

周虞卿小像贊

道這漢富四壁也無道這漢貧筆未經組除却兩邊
何所求吳山楚渚松石秋誰是有心男子伴渠瓢笠
孤游

辛酉四月六日夜夢有人持華嚴鈔余取閱之
著語曰如切如磋如琢如磨爲作頌二首
海波匝匝起無風小本華嚴震旦東古佛堂前根本
智當人一念琢磨中

其二

如是我聞詩云子曰捻作一團話成兩極擡頭忽見
明星三人證龜成鼈

吳凝父薙髮法海寺贈以四偈

投佛出家今俗士書經刺血昔頭陀武山吳六真消
息葉落林空水在波

其二

不露頭皮不戴冠一條拄杖一蒲團黃烟烽燂翻身
出十丈芙蓉火裏看

其三

手懸崖事不無擎拳合掌太模糊他時摸着驢三
腳踏盡人間笑馬駒

其四

燒却詩囊擲酒杯瀾翻千偈覺華開故人跛脚勞相
憶宵夢尋君說法來

天啓歲壬戌秋八月賀叔明書華嚴第三卷肅
竣所館之庭嘉禾生於蓮沼二十有五本感其
靈異稽首爲頌

居士誓度親齋心書雜華嘉禾忽相感生我藕池中

纍纍若珠綴黃雀啄能飽根一穗各殊兩岐或三五
一莖數其粒二百七十餘老農播百穀鹵莽尚無獲
蓮則非禾種石池云何生同中真有異法爾具神變
謂禾緣筆生毛穎無體性居士筆在手主人禾在庭
各各不相知各各不相到聞有古沙彌尋常持法華
以綿拂經軸頻獲設利羅此感亦如是意蓋所成故
勿作嘉禾觀毘盧全現身世間有貪人萬錢猶不飽
隨喜此嘉禾貪水成智海世間有嗔人噉肉而飲血
隨喜此嘉禾柔輒無獷語世間有癡人王宮愁餓死

隨喜此嘉禾充足法喜食是名曼殊沙是名阿伽陀
是名海岸檀是名香積飯一莖百千莖一粒百千粒
妙義炳然現重重更無盡佛心居士心楮墨空非空
須彌懸作筆書此大經卷長養菩提芽拽手莊嚴閣
廻知逝多林嘉穀遍大地聲聞了不見我當發大心

內子以十月廿五日生予偶問廿四日消息道
一句表答云是你戲成一偈

十月廿四我是你六祖袞袞提不起八萬四千煩惱
問大家開照蓮花裏

贈省吾上人偈

汝喚作吾吾喚作汝見色聞聲一歸何處卽汝是佛
且置試道汝面皺時與長漾水作麼生猛省猛省是
覺是青咄

澄虛上人索贈偈走筆博笑

虛空何物澄者誰一波不動藕華池拈將佛殿三門
上方信彌陀不汝欺

贈古鏡禪人

捧出當陽淨六窓秦宮照膽萬魔降要知磨後真風

月潭王庵前鷺一雙

贈蓮字禪人

玄真宅作梵王家白鶴依然立遠沙
開士安心無剩法一天秋水碧蓮花

十七觀頌

并小序

天啓癸亥十二月四日張伯陽偕圓淨師過靜嘯
齋讚歎淨土功德不可思議圓淨舉楞嚴狂心未
歇二語予述一頌曰狂心未歇月冷日熱歇卽菩
提日東月西咄咄咄貶眼便失念佛是誰急急如

律南無阿彌陀佛是夜余夢齋頭有老僕童壽者
製帟燈次謂余曰此西方景也問多少答云十七
余覺而異之憶觀經僅十六耳何得有十七已而
灑然曰昔琦楚石作佛光觀有觀空法門十六觀
究竟一空卽空卽假卽中非十七乎枕上復成一
頌舉似淨師師曰但辨肯心決不相賺遂紀之頌
曰

十六正觀云何十七如第六陰如十三入口裏彌陀
鷄過新羅觀音勢至一二三四清淨大海衆菩薩紅

鑪之上一點雪少處減多處添若不會待驢年

按揚摩羅

什此云童壽彌陀小本是什師所譯此段公案或什師慈雲化現耳

四十八願頌

清淨願王四十八不住中流彼此岸以幻力度幻衆
生如空貯空水投水微妙香榮火中蓮不起於座導
羣生風吹寶鈴自然韻鸚鵡頻伽奏天樂海問舟師
病得醫鏡中面像無來去慈母憶兒鈴嬾苦毒氣深
入呼未還黃鷄抱子暖氣接紫磨金身卽是汝

黃涪翁洪覺範俱作漁家傲詠古德遺事余戲

效之得入首

拄杖忽挑開露布撐空魔窟江南去賣餅老婆元債
主鵝王乳點心一句全機露親到龍潭心不負紙
燈吹黑天花雨口似血盆牙劍樹山河舞棒頭三眼
橫今古

德山

其二

黃蘗家風親付與喚醒風漢叅堂去大樹一株烹佛
祖歸家住蒲鞋賣盡供慈母橫按莫耶那敢顧虛
空一點須彌鼓永字法門誰識取關門處阿師跛脚

冤家聚

陸州

其三

百萬官錢隨手撒海塘春漲魚龍脫王子寶刀全殺
活看恩濶詔書落汝娘生髮圓頂爲巢啼鳥滑堂
開宗鏡西湖月谷響泉聲相問答遼天鶻破沙盆句
金剛喝永明

其四

肉肆有人頻指點百年一夢今開眼還到盤山揮寶
劍求師鑑堂前筋斗青獅現臨濟小廝聊作伴後

園樊草呈驢面趯倒飯牀渾不管綱宗展鐸聲搖碎

魔王膽

普化

其五

行脚箱兒歲骨董袖中銀盞爲親供吹到汾陽乾打
關金毛種一聲屋倒吞雲夢 明月夜行相贈送長
安鐵笛吹無孔日午三更驚四衆強賣弄草鞋盆水

刀頭痛

慈明

其六

置置繩牀遭虎吼經年落魄眉難皺坐對山童如道

友真逗漏煙雲過眼蕉菴舊
屠伯相憐方點首酒
瓢擔却沿街走破襖穿來除鶻臭空展手攔腮一搭
揚家醜谷泉

其七

師子嚙呻文彩露箭鋒
恰值無回互歷劫疑團如火
聚分賓主衲衣歷歷爲君舉
石虎海鷗丞相府漁
歌唱徹明千古紅粉夜
搽眉卓豎江風暮何妨載我
常州去西余端

其八

鬧市褰裳誰個領空中畫字瞳人聽自笑自吟秋月
冷非凡聖良駒驀地金鞭影寺裏文殊驢覷井劈
空踏着毘盧頂那可鉢盂重有柄傳慧命舌頭無骨
蓮花淨

言法華

報國偈放生社戲成沁園春一闕

歷劫無明食前方丈饑火燒喉歎口似血盆刀砧滋
味牙如劍樹冤業風流三寸纔過便成何物性命償
他沒斷頭君知否一般疼痛兩個骷髏勸伊及早
修向寶勝如來五體投看花笑香林萍開碧渚鳥

辭籠去魚逐雲遊昨日夜叉今朝菩薩有廣額屠兒
樣子留英雄漢慈悲社長極樂卿族

菩提庵八偈爲智河法師賦

菩提山

老衲心如西嶺雪高高頂立鼻撩天分明四至袈裟
角不動絲毫右掌邊

翠城

剌檜荆棘共無生鬱鬱離離一黛橫似濕人衣瓦下
着帝青寶是法王城

古觀音像

東陽十二觀音面當日僧繇也着忙遮個阿誰呈巧
千手陀羅臂不曾藏

羅漢松

強項不封秦大夫清臞絕類西天胡人天供養半枝
月頂上鵲巢真不孤

蓮花灣

倒不是東林大士家半灣流水碧於霞任教瓦石兒童
擲未動芬陀一瓣花

放生池

鐘鼓堂頭六月冰一聲佛號萬魚騰
鰲牛白牯何人看好向清池解鼻繩

漚生塢

稽首十方具足戒共去共來一漚海
漚前消息問風幡此則名爲觀自在

榭子樹

菴主同居無伴侶只有窻前榭子樹
欲知榭子成佛時一串摩尼百八句

和張有如西方詠四首

南北東方總是西持名持久到家齊
紫金光聚寸心白黃藕花開羣卉低
沙界三千諸佛首廬山十八個人提
不曾踏得真歸處談教談禪盡著迷

其二

轉盼虞淵影忽西刹那精進佛肩齊
手緣木櫟何牢閣頭戴伽婆不厭低
清泰故鄉開眼夢香嚴正念一時提
要知念佛誰人念石馬嘶風了不迷

其三

真丹雜染不如西十聖三賢一處齊冷笑松喬千歲
矩俯憑日月兩丸低纔知佛法無多子只在彌陀直
下提頂禮峨眉山大士長蘆會裏換塵迷

其四

雲棲老子唱歸西直與中峰見處齊芬利花開鑑競
破迦陵法演磬初低百年鬧室慈燈破萬事當頭慧
劍提鍊鐵成鋼真榜樣從來鬧市未曾迷

詩篇全存艸卷之十二

哭董遐周社兄十二章

并序

孫淳

遐周病廢十年掩關謝客往來唱和者惟余一人
緣陰砌下黃葉窓前對榻同吟歲無虛月月
無虛日間以事羈筒郵屢至唐人謂無日不相
見有時還寄書幾爲我兩人寫照矣遐周嘗曰
詩以性情爲主識得性情二字一生吟咏事畢
吳門王亦房而後有子爲繼起者風雅不孤矣
言猶在耳遐周安在哉昔鍾子死友爲絕響今
董生亾余復何詩但知我者無如遐周或因我

詩而魂兮來歸未可知也嗟乎永念生平忽焉
疇昔追尋笑緒悉是悲端遐周試讀我詩恐亦
不知涕之何從矣

寂寂抱幽獨期爲千古人奇書功甫畢妖夢踐何真

遐周著書先
有天公之夢

子幼未知哭親衰況在貧天心于此際

難道復稱仁

二

世遠家聲邈多君幾葉傳感深祖父德存在子孫賢
此後付衰艸誰人續斷烟廢興魂莫問責不到重泉

三

牀閒得影靜對十年餘魂去無煩足行來始廢輿
一心遊近遠與月蕩空虛奈有難捐習殘窓委舊書

四

回齒復何許先余止二年因知壽者相不結病夫緣
一夢儼如在三更語可憐冥途尋臭味強半似生前

五

養身存要訣醫忌不知名怪爾貪奇效輕從藥石平
久猶尋好友

遐周與亦
房故善

志果遂無生況有明師在先

初指路邈

幻師亦於是月圓寂

六

病與年相長親朋俱忽之所懷惟老母無語及家私
斷腸誰分痛司喪只故知淒涼論定自羸得路旁悲

七

只此吳興志曾消幾歲春山川方借潤筆墨遽成陳
不品難駢鬼詩窮亦喚神搜君遺逸事叙次待名人

八

亦不沐緒書無倦晨成君惟善病類我只言貧

次景一番暮睡鄉何處春重將詩內癖付與再生人

九

譚詩悔相識非我學君深

遐周哭亦房有何苦譚詩又識君之句

何苦

稱同調多增生成心遺編空汎惜高會杳難尋相對
皆堪泣從茲可碎棄

十

採蓴與採杞轉出句中禪

昔年與遐周共作是題

不料閒吟地

翻爲有盡天痛無同志好恐結後生緣擬其堂前燕
凄其說往年

遐周有高暉堂前燕詩

十一

花下偶然語真成隔世期
蚤知逢不再何惜住多時
伎佛常除酒祭君惟以詩
素交今已盡脉脉照余思

十二

十年交一變半向九原行
天豈孤余影因之累友生
難追惟道蹟易附是詩聲
存沒雖岐路人猶共指名

晚董返周先生詩排序

韓曾駒

才士死生繇蒼蒼耶繇冥冥耶胡洩良夢而生
鬼神我欺耶胡嬰奇疾而廢鬼神我妒耶胡豐
厥才而膏厥齡耶胡不并膏厥才耶曷獨膏厥
齡而秀隕露晞多人憐才念耶天之憐才顧不
人若耶抑憐之有以異耶人愛欲其生天愛速
其死耶抑人之君子天之戮民耶抑委其蛻者
升其精耶班于列星燦於雲霞耶我且隔帷而
若盲耳隔垣而若聾烏能覽麋髮於層霄耶聆

嘗咳於九天耶歌以輓之先生其聞也耶

吁嗟乎若士遙集古人風以沒無求瞻知存不願豐
長貧書自富善病氣仍雄家步艱難日憐君獨御窮

二

十年前屈指世祿首君家天意終難問人情喜衆譁
簪纓先露溢韋布拒霜花今日凡聞計應知盡擲瓜

三

奇服幼所好胡爲尤未離

選周舊有
離尤篇

遺孤纔毀齒老

母已期願誰復如兄弟相憐只故知知君多未了不

收負心期

四

相聞夢榘後淚漬不曾消何苦輕餘齒殷勤繼斷桃
珠懷光未剖玉碎夢無聊泚筆難爲記長吁賦大招
遐周以次子繼中茗後先遐周五月而卒今周有
遺腹未知克副厥志否

五

良書相及再留意志吳興逸事勞摭訪前賢盡友朋
未成君有憾代斲我無能不敢如莊註詭爲郭象稱
遐周旣沒恐有欲私郡志爲已筆者

六

遺書羸萬笈盡足寄君魂
令子知能護良朋未忍言
好將千古事密向九京論
死者如可作其聲應已吞

七

世寡鍾情輩論交不貴心
逢迎聊免俗風雨更誰尋
所以稱花萼因之罷鼓琴
那知孔哀者苔異反同岑

八

健嬭持門戶興言則涕而有終
兼父道子職代君爲
俯仰間如此綢繆計可知
噫噫音在耳風雨莫咎欺

九

江南天半壁騷雅繼靈均筆塚先君塚今人遂古人
庶幾傳後輩不可問前身遐周生時有異徵默默春秋夜松
杉是四隣

十

肆成人有德應不愧斯名世共推前輩君非畏後生
支床惟病骨出谷有詩聲一夜風流墜鸞叱風不鳴
十一

計爾年四十忘年乃下交蓮心何易合蘭味自難清

詩共酥燈話書臨壁月鈔語言曾不二枯淚及荒郊

十二

嚴風黯天色蕙歎不堪纓自識雲成我何曾醉有鄉
諫詞同下惠碑碣待中郎留得奇文在名山共護嵐

十三

愁城今日破彼岸復如何情債傷生一文緣綺語多
繡經觀自在靜對病維摩償盡恒河劫無勞嘆逝波

十四

官獨才如海文章賤古今尋僧如有癖求友遂成淫

靜嘯當年草

選周甲寅以前稿也

華嚴未竟心

購得宋板華嚴轉其貳拾五卷

以五卷授余寫補余未能卒業也

唯余應努力報爾不嫌深

十五

求同古人內其窮有似君大都天意獨不與世同羣

畏愛俱應哭風騷幸未焚半生詩臭味許我若爲云

十六

自名瘦居士崔立老秋顏骨見承襟表心參鶴夢間

其寒良足死多病亦應閒四十餘年事空贏得清

十七

常惟通眉客何堪賦玉樓人間才盡鬼天壤一遐周
倘贐奚囊在應懸寶劍酌恨無人解此杜牧古風流

十八

客歲一披戶奚童舁笋與談心無敢語論古及羣書
交道澹如此相知痛有餘生憎吾雨面猶是習難除

十九

胡奪遐周速蒼蒼不愛才多憂誰共織

余舊有織夢詩

有目

不堪悝

遐周向有日理文

閱盡書千帙相酬土一坏再生如

善度莫帶慧根來

二十

哭君詞有盡嗟我永無隣飛鳥那孤翼行車竟隻輪
名存誠足壽喪欲不如貧舊習難勸去詩緣寄後人

哀董遐周

徐波

余以王亦房知有遐周亦房歿十年始以詩相
質遐周善病遂廢一足乃高卧謝客未及交臂
而死矣亦房深淺入時游道頗遂身後有不能
舉其姓名者矣遐周獨能念之不置徃徃見於
詩詞此日相逢當無愧色文人下世後死者例
有哀辭聊寫胸臆以附諸公後云

死友湏君久歡然地下逢長眠終苦境短景補衰宗
書束高秋蠹牀虛後夜葢病軀殊跼踖魂氣倘從容

其三

蕙草先秋萎羣芳各自驚
絀琴棺已閉投杖藥無成
客每稱形似魂猶通姓名
記君佳句在泉路話平生

祭董遐周文

閔元衢

昔賢有云使天下一人知己者足以不恨夫知己豈
易言哉若其中道未訣觸事興思有懷莫喻勸人琴
之俱亡感風流之頓盡爲恨更自靡涯也始余與兄
乍晤竹溪誦髫年之作駿駿江阮茸拜下風兄不鄙
夷緘詩相引迨余有以相印在他人必多過情之語
兄復直筆點竄非真宿世結集何以有是有而不求
可勝悼哉世每輕視郡乘屢經修輯往蹟愈湮長谷
以寓公而篋掌故嘉惠我湖良厚然博稽載籍逸仍

什九兄大肆厥力廣之復招余佐之於是奇僻畢呈
他郡鮮儷乃定本垂竣不獲親見其行可勝悼哉兄
之家世游以文名兄尤蚤振譽序使無文園之病將
以宗伯給諫兩公之緒而益光大之使假伏生之年
其所著詩若文以迄稗官未知與用修元美孰多而
乃月犯少微偏應吳中也可勝悼哉兄嘗咄文士以
身殉矣胡當屬續之月序至游而標曾慥之名傳太
客而叩蘇堅之履乎且借書頻繁諷誄無間乎豈一
息尚存終不肯放此文字擔乎夏孟兄抱病後恒有

札云弟病不可爲矣備志苦心恐委秋草余時驚异
裁禽躊躇執意焉楮諄諄竟成先兆也夫修短之數
定之于天以兄夙深白業諒不因去住生牽戀惟垂
白在堂嬌穉在室遺文在笥或不瞑目耳然兄之明
德達于鄉邦兄之菁莪千古不泯區區家事外舅泊
內兄弟力能持之笥中之藏有余與仲弓人穀諸君
子在不患其不傳也兄亦可無憾於九原矣獨嗟弱
息此時襁負瞻水鏡以靡繇他日詩成丐品題而奚
自撫棺長號引觴再酌金石膠漆式貫幽明嗚呼遐

祭文

周庠來鑒之

遐周先生言行略

先祖遐周先生之言曰夫立身天地間能轉移古今者必具透古今之眼人生三大事一文章一氣節一性命之學唐宋已來儒衣冠譚性命自喜者乃了不關孔孟大致而曲避高溪自安淺域殆非震旦國前古羣聖人之所以注望其後哲者也性命之學正則事業正事業正而後文章得正

遐周先生自敘童牙稿曰往僕在強葆伯氏方治詩率共諸名士席間騁藻每預下坐欣然動顏萬曆庚

子僕十五應童子試從諸兄之錢唐爲湖上遊客有稱詩者戲效之得二語云遡湍一棹緩縱眺秋山空同坐皆歎息謬云僕具夙慧

先生詩文中每言家事日落然先生性高曠喜客天下士爭集先生塵尾下而益落其家事日鬻良田買古法書金石鼎彝懷古深思而落其家事晚乃長捐晨夕謀委身心事西方聖人而不慮盡落其家事客或病先生實身落其家事而嗟家事落者何也先生笑曰吾不落家事且落吾事

先生述董氏家語近始潯川言始祖仁壽公自梅林遷潯上里中呼爲三老董公元末行中書省三辟之公歎曰龍不隱鱗達者深痛竟不應遂鑿石爲船以見志曰此船可爛吾其出矣遐周先生曰北宋徽宗朝吾梅林第一祖金紫光祿大夫貞元公與蔡京背馳者茗中父老至今傳咏其詩有三槐九棘浮雲外一樹寒梅寄我心之句吾先世世有隱德吾欲草創石船志用昭示吾後人也然石船志卒未就

伯祖伯念先生高文直節名天下而伯念先生心獨

許吾祖遐周先生遐周先生年尚幼也伯念先生謂
人曰吾兄弟殆河圖北方之合數乎吾一也合吾者
其六弟乎蓋先生行六

范長倩先生

允臨

書牘曰故人董遐周大宗伯之孫

黃門之子儀部之弟鹿門茅先生之外孫而稱館甥
於沈大司空泰垣先生然遐周自拔足雲霄之表是
能讀三墳五典八索九丘文心開闢巨靈擘山磊落
有古節士風槩使天下不敢以富貴目梅林氏者吾
遐周之力也

邇周先生曰自周之衰不可輕一俠字孟軻氏儒宗之俠也莊周之文道言之俠也或問文中子先生曰夫文中子手提六經而續其已絕非天下之至俠孰能先生曰禪宗亦有俠也夫達磨氏輕其身以永其道者俠也馬祖輩舊轍而行其新者俠也

先生朝元閣雜語有曰四海人不肯了一身事千古人不肯了一時事明月之夜遠望不細書見大無顧小也又曰墨兵而誅讒賊草莽有忠臣書窟而對英賢夢寐多知己又曰雞鳴登日觀望海中層霞擁扶

光如車輪覺洪崖羨門去人不遠海涵天竺石島耳
我曹胸中不可一日無此景色又曰毆病問市醫必
死稽疑問肆卜必錯破敵問邊將必怯學詩問詞客
必野又曰天下無不可爲時但袖手天下無一可爲
時方出手聖賢作用豪傑肝腸

靜嘯齋存草自敘曰吾少多奇抱羲皇而下非意所
經恨精短未能蚤津大道降而爲文字之業於百家
少不探其微

先生自題寒筇草曰自乙卯後余詩蓋一變云記乙

已自閩歸吳中初晤曹能始說詩之源委篤好之後
能始宦南曹及還閩數有書以此道相勗僕時亦以
詩往正猶示眉公允兆諸君盡謂句中有眼吳門王
亦房尤神賞之

逖周先生曰自吾學道而詩得自遠耳夫文生於情
情生於文猶是阡陌解無情之情無文之文荒古與
棲風塵日離夫不知離之說者乃不知詩

先生之言曰吾少依雲棲宏和尚後來見慈山大師
雪嶠湛然諸老並承披霧或問於余今大江南北舉

文章氣節相推重而公何暇飄搖方外乎則正告之
曰君謂文章氣節非古豪傑之士事乎雲棲憨山雪
嶠湛然所謂古豪傑之士者也

吾父豐草先生生於萬曆庚申遐周先生三十五歲
矣故先生詩有三十五年纔作父之句吾父讀孟子
章句未竟而先生卽命讀圓覺經親句授遐周先生
曰吾教子乃自得域外之方也

先生與茗柯凌先生

義渠

素結塵外之契非名山水

不言非幽異不索故作湘烟錄敘曰有一境於此危

巖捍景幽澗吹雪林翳蕭映徑委石仄牛羊爲之蹂
躪樵獵者過弗睨而烟霞之士遇之如飢大烹如耳
大鏞如拾久遺如寤狂醉先生晚於茗中知舊閔先
生康侯元衢凌先生茗柯沈先生蒼嶼胤培諸老尤
厚

里中朱文肅先生

國禎

爲庶曾祖母沈壽言曰遐周

曠世才文章如獨鶴橫空不受世間纖毫塵染夫車
輪之珠吐光怪天風海濤之間豈供禁藥后妃首飾
哉文肅脫藁馳寄先生先生讀之意不憚曰乃頌僕

耳文肅聞之曰此吾所以頌沈母者也

婁東西銘張先生

溥

之言曰遐翁土木形骸神明遠

放閉戶而身繫名教之重惜乎吾不及見然著書在天壤千年下有心者皆見之

先生晚病足杜門著述體清羸自爲瘦居士傳行世有廣博物志靜嘯齋存草吹景集吳興藝文補諸書輯吳興備志未竟崇禎戊辰八月廿四日卒卒前一日猶兀兀點筆也先生生於萬曆丙戌十二月廿七日年僅四十有三

萬曆末年士論伸而黨事起實發端青宮一案吾伯祖伯念先生爲之倡首啓禎已來東南文社一昌君子之氣而一時領袖羣賢幾人皆當年就正遐周先生之門比之蘇門諸君子者然後天下謂遐周先生往日說文章氣節非浪自鳴也

先祖太學遐周先生

份

諱斯張初字然明自稱借菴居

士祖潯陽先生

份

禮部尚書兼翰林學士父龍山先

生道醇

工科給事中長兄伯念先生

嗣成

禮部主客

司郎中贈光祿少卿仲兄仲培先生

嗣茂

太學生叔

兄中條先生

嗣昭

乙未進士季兄季爽先生

嗣昕第

五兄幼函先生

嗣暉

並太學生配沈大司空泰垣先

生

微外

女繼配屠太學庚肱先生兌女側室施生吾

父豐草先生豐草先生名說字若雨九歲而孤十四
補邑博士弟子員年三十餘依吳郡靈巖繼起儲和
尚出家名南潛法字月函前住古堯峰寶雲院孫六
人曰樵曰牧曰耒曰舫曰漁曰村村蚤亾

孫

樵

等謹述